

ASTRONOMICVM

Centrum Sa-
turni 5 5. 6
10 M 29

¶ Centrum Saturni hoc modo. Ex Centro A per centrum Epici-
cli filum ducatur, quod in circulo G H I. Signa 5 grad. 10 min.
29 scindit, quæ Centrum Saturni uerum & æquatam, ad latitudinem,
postea inquirendam necessarium docent.

Argumentum
æquatam 5 9
6 17 M 52.

¶ Pro argumento uero & æquato habendo filum ut antea centri A
per centrum epicli trahatur, quo in loco autem inferiore epiclium
interfecit nota, illa enim interfectio aux uera epicli dicitur, quæ ubi-
cunque sit in epicli, semper ab ea numerata secundum signorum epicli
ordinem Signa, gradus, & minuta usque ad indicem Y. & habiturus es
Argumentum uerum & æquatam, quale nunc est Signorum 9 gra-
duum 17 minu. 52.

¶ Passiones Saturni considerans, Epiclium uidet meridionalem
ascendentem in deferente. Inuenitur enim epicli inter uentrem me-
ridionalem & caput draconis. Saturnum quoque paulo ante stationem
Secundam egressam, iamque directum esse, Occidentalem insuper, quia
Sol ad illum mouetur, eadem ratione diminutum lumine. Diminutū
quoque numero, eo quod mediū motus linea ueri motus linea præcedat.

Exemplū Re-
gis FERDI-
NANDI.

¶ Idem placet & alia inductione manifestius reddere. Regis FER-
DINANDI natalis post seculum millesimum tertius annus, dies Mar-
tii 10. Hora 8 minuta 47 antemeridie. Dies uero 9 Hora 20 M
47 antemeridie, quod idem est, celebratur. Quod tempus si cum
æqualitate dierum conferatur, dies erunt 9 Hora 20 M 39. Si cum
diuersitate meridianorum comparatur, Dies 9. Hora 21. M 51 pro-
dibunt, cum qua ultima æquatione motus stellarum aggredi licet, Ka-
dicem ergo mediū motus Saturni ante omnia requiro, ad annum 1500
quæ est grad. 6 M 6 II. cui indicatorum M superpone, filum ad 2.
annos in limbo rote tendo (duo enim anni elapsi supra 500) quo
rursus M duco, posthac filum per 9 diem 21 horam 56 M prope
uerum in Mensis Martio dirigo, quo denuo M indicem reponens, ro-
tam instructo seruientem habeo. Secundi orbis indicem P augi Sat-
urni, quam 4 enunciatum docuit, grad. 13. minut. 10 X impone,
sic & secundam rotam ad usum præsentem parauero. Quo peracto ui-
deo quem gradum index M in circulo G H I teneat, unde secun-
dum lineam transeo ad circumferentiam, K L M. per punctum ibi
dem inuentum trahens filum æquantis e centro E. epiclium cum
suo centro, unaque cruce in inferioris epicli filo subdens, ita epicli
inferiorem recte pariter locatum habeo. Quibus locatis, radicem Ar-
gumenti ad 1500 ex tabula accipio, quæ est Signorum 8 grad. 23
minut. 53, illa quæro in Epicli inferiori, indicatorum Y. mino-
ris scilicet epicli addo, filum insuper per secundum annum supremi epicli
di tendens tanquam iam completum, iterumque indicem Y. substituo.
Vltimo filum 9 diei 21 hor. 56 minut. applico, indicemque Y ei-
dem iungo. Et perfectissimum ad tempus natium FERDINAN-
DI Regis æquatorium conspicio. Ibinunc an Saturnus, in opposito
deferentis & epicli, an in Statione, an directus, an retrogradus sit
spectare licet.

Verus locust
est 28 6 30
M II.

¶ Fili Extensio per stellam, in zodiaco 28 grad. 30 M
II, qui est uerus Saturni locus demonstrat. Si uero per cen-
trum epicli sit extensio eiusdem fili, tum, Centrum uerum
& æquatam planetæ. Signa scilicet 6 grad. 21 & 56 in circu-
lo G H I. In epicli autem maiori, augem ueram osten-
dit, quæ auge si numeretur usque ad indicem Y. Signa 8.
grad. 21 M 39 inueniuntur, quæ Argumentum uerum &
æquatam erunt. Quæ duo postrema Centrum uidelicet & ar-
gumentum æquata latitudinem Saturni postea dabunt.

Operatio an-
te Christi tem-
pora.

¶ Quod si motum planetæ alicuius ex tribus dictis ante Christi
tempora nosse cupias, obserua quot centenarios in proposito comple-
ctaris. Nam si anni ultra centenarios adiecti pauciores sint centum,
addendum eis erit, donec centenarium efficiant, nam Radices omnes
centenariis solis respondent. Vltima ergo numeri summa in tabula ra-
dicum queratur, cui ex aduerso sub inscriptione (ante Christum) Ra-
dix mediū motus & argumenti per signa, gradus & minuta ponitur.
Subtrahatur deinde tempus oppositum ab illiscentum residuumque
seruetur.

Observatio
motus h rem-
pore Diluuii.

¶ Iam index M super radicem ponatur, filumque A super annorū
residuum, &c. Simili modo in argumento inueniendi agatur. Compē-
diola huius rei demonstratio sit hæc. Ut si desideres uerum Saturni
motum tempore Diluuii. Nomen Diluuii primo ex tabula temporalis
excerpendum erit, quod statim anno 3101 dies 219 secum habet, qui
numerus restatur Diluuium tanto natum Christum spatio præces-
sisse. Ad hoc tempus motū Saturni adinuenitur, Radicem mediū mo-
tus ante Christum ad annum 3200 eligit, quæ ostendit grad. 9 mi-
nut. 51 M. Subducatur nunc annos 3101 cum 219 diebus à 3200.
annis, restant 98 anni 14 dies, qui numerus in 27 usque Maii diem
procedit.

¶ Index M radicem scilicet grad. 9 minut. 51 M teneat. Filum autē
98 annum, ostensore rursus sub illud ducto, amplius filum super 27.

CAESAREVM.

diem Maii ponatur, indice M denuo sub idem posito. Et sic orbis ille
Diluuii temporibus conuenit. M indice medium motum Saturni in
Zodiaco, uidelicet grad. 13 minut. 39 Y referente. Similiter cum
argumento fiat, & uerus Saturni motus habebitur. Consimili modo
in aliis quoque Christi præcedentibus, annis operandum esse admonemus.

ENVNCTIATVM SEPTIMVM.

¶ Facillima simul & promptissima latitudinis Saturni, id
est, distantie eius ab ecliptica agnitio.



PREHENSVRVS LATITV-
dinem Saturni per instrumentum seips
partes, membra, diuisioneque eiusdem pro
be cognoscat præhorror. Principio igitur
occurrunt dictiones duæ in limbo
exteriori, scilicet CENTRVM SA-
TVRNI per quas significatur Cen-
trum Saturni in hoc exteriori circulo
numerari, filumque desuper aptari oportet,
a decimo namque gradu quarti signi
usque ad 10 gradum decimi signi quan-
da sunt signa gradusque in exteriori circu-
lo. Vbi uero centrum minusest 4 Signis & 10 gradibus, & minus 10
Signis totidem gradibus, ex interiori limbo sumi debet. Linea sequit de-
inde à B usque C. Centrum uersus scita in 6 signa furtim, in alia sex
deorsum computando, cui in scriptum uides ARGUMENTVM
ÆQVATVM. Latitudinem itaque Saturni intellecturus, superli-
neam B C filum in Centro A fixum dirigat, Margaritam uero ar-
gumento æquato applicet, ducaturque filum in limbo tam diu quoad
Signum gradus, & minutum Centri ueri & æquati planetæ uerè signet.
Ita unio ueram Saturni latitudinem in arcu instrumenti ostendit. In de-
xtra medietate meridionalem, in sinistra septentrionalem, latitudinem
alteram S, alteram M prope Eclipticam designat. Quod si margari-
ta lineam G tangat, latitudo meridionalis unius gradus, Si I duos,
Si L trium est. Rursus si F lineam tum latitudo Septentrionalis 1,
grad. Si H duos, si K tres complectitur. Reliquæ lineæ omnes
per 5 minuta.

HOC SI NONDVM SATIS assequeris. Ecce tibi luci- dius exemplar.

¶ In priori Exemplo Imperatorio, Centrum Saturni uerum erat si-
gnorum 5 grad. 10 minut. 27. Argumentum uero æquatam Signa
9 G 17 minut. 52. Nunc si iuxta iam tradita latitudinem Saturni
inuestiges, unio lineam I incidit, quæ duos gradus ab ecliptica Sat-
urnum eo tempore distasse manifestat meridiem uersus, quod per M li-
teram intelligitur.

¶ Appellatur etiam meridionalis ascendens, quoniam Vnio in se-
quentibus diebus Eclipticæ, id est, lineæ D. E. incumbit, id quod in
limbo exteriori (in quo centrum ad præsens numeratur) apparet,
quando signorum ordo graduumque Centri æquati Eclipticam uersus,
non autem ab illa computatur. Quam primum uero Centrum æqua-
tum signorum 7 fuerit & 11 minut. 12 graduum tum septentriona-
lis ascendens uocabitur.

EXEMPLVM REGIS FERDINANDI.

¶ Ultra Imperatorum doctrinam regium quoque accipe. FERDI-
NANDI natiuitate, ut prædictum est, Centrum Saturni Signorum
6 grad. 21 minut. 56 fuit. Argumentum Signorum 8 grad. 21.
minut. 39, quærenti iam iuxta præcepta latitudinem Saturni gra-
dus 6 cum minutis 47 meridianis apparet. Hoc est 9 linearum à li-
nia D E uersus G. Quandoquidem uero, filum magis ac magis ecl-
ipticam uersus lineam scilicet D E mouetur, manifestum fit latitudinem
subinde minui, eoque Saturnum meridionalem descendente dici. Con-
siderato autem diligentius in deferente epicli loco, inuenitur idem in
ter uentrem meridionalem & caput draconis, quo Circa Saturnus me-
ridionalis quoque ascendens uocatur, ita uno momēto diuersa idem pla-
neta, alterum latitudinis, alterum deferentis nomine dicitur.

